



Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 13-01-2023

Departament traffic

Vignettas per mopeds ed e-bikes

Naven digl 1. da schaner 2023 ei igl Uffeci per il traffic sin via il post d'emissiu per vignettas e per numeras d'immatriculaziun per mopeds (velos a motor) e per e-bikes. **Tier la vischnaunca san neginas vignettas e numeras pli vegnir retratgas.**

L'entschatta digl onn 2023 survegnan possessurs dalla vignetta 2022, dils quals il vehichel ei vegnius registraus ella banca da datas digl uffeci cantunal, automaticamein in quen pro fuorma per posta per la vignetta 2023. Aschispert che quei quen ei pagaus, vegn la nova vignetta tarmessa per posta. Tgi che less buc retrer ina vignetta pigl onn 2023, paga buca quei quen e fiera naven el.

Novs possessurs da mopeds san seregistrar cul formular ufficial digl Uffeci per il traffic sin via. Ulteriur sclariment sut www.stva.gr.ch ni 081 257 80 00.

Bien engraziament per l'enconuschientscha.

Sumvitg, 13-01-2023

Administraziun communal

Il first responders plus rinforzan sco emprems provediders ils fatgs da salvament dallas vischnauncas Sumvitg e Trun

Occurrenza publica d'informaziun ils 18 da schaner 2023

En grondas parts dil cantun drovi in cert temps, avon che las forzas d'acziun professiunalas arrivan el liug digl eveniment. Ord quei motiv vegnan gidontras e gidonters d'emprem agid engaschai, schinumnai first responders, che procuran aschi spert sco pusseivel per in emprem provediment. En situaziuns cun prighel han mesiras d'agid immediatas duront las empremas minutas in'influenza decisiva per il survivor da personas.

La secziun Terri dil Salvament Alpin Svizzer ha retschiert dil cantun l'incumbensa da realisar il project en la regiun Surselva. Ensemen cun l'uniun samaritana e las vischnauncas da Sumvitg e Trun vegn en in emprem pass organisau ina occurrenza publica d'informaziun. Tuttas personas interessadas ein cordialmein envidadas.

L'occurrenza ha liug mesjamna, ils 18 da schaner 2023 allas 20.00 uras ell'aula dalla casa da scola a Trun.

*Uniun samaritana Sumvitg-Trun
Suprastonzas communalas Sumvitg e Trun*